

畿輔通志卷二百十一

列傳十九 元一

元

順天府

張巴圖

子孟古岱
孫世澤

薛塔喇海

子達實拉
結桑子四嘉努

楊格濟格

耶律鑄

史進道

史天倪

曾祖倫
祖成珪
父秉直

子楫權

史天祥

子彬槐

史天澤

子格

張思忠

父全

李德輝

張榮實

父進
子玉

石天麟

賈實喇

子酬泥貲
和爾齊子圖沁布哈

李秉彝

王利用

郭汝梅

郝經

弟彝庸
子采麟

張懋

孫珪

朱國寶

郝彬

梁曾

耶律希亮

張九思

盧摯

曹廷瑞

梁德珪

吳鼎

張伯用

特爾格齊

祖達實父伊

拉齊
孫海籌

子雅爾堅雅里

晉古

王倚

鮮于樞

郝元良

王伯勝

高克恭

宋節

曹鑑

劉德溫

朱世傑

李衍

子士行

趙師魯

宋本

弟襲

劉器之

宋杞

李廷

趙伯敬

崔瑗

劉秉直

田善甫

程式

何失

王德仁

李士瞻

子守成

王德亮

劉深

高知廣

曾德

阿都齊

邢表

劉居敬

掩都

王麟

李簡

王欽

元

順天府

張巴圖

原作張拔都

昌平人歲辛未太祖南征巴圖率眾來附願

為前驅遂留備宿衛從近臣呼圖克

原作漢都虎

西征回紇河西

諸蕃道隴蜀入洛屢戰流矢中頰不少卻帝聞而壯之賜名

巴圖自是呼圖克亦專任之後代呼圖克為都元帥守真定

及呼圖克兄子沙克善

原作瞻闇

少長巴圖請於朝歸政而終老

焉子孟古代

原作忙古台

從憲宗攻蜀釣魚山苦竹二壘冒犯矢

石屢挫而不沮遂以勇敢聞中統元年賜銀符預議轍手軍

府事尋易金符爲行軍千戶從征襄樊有功卒子世澤襲從丞相巴延南征大小十餘戰皆有功又從平廣西明年收瓊萬諸州拜宣武將軍行軍總管未幾遷副萬戶加明威將軍從鎮南王托歡伐交趾既還及再舉將校舊嘗往者許留恤之有托歡者當行適病不能起世澤曰吾祖父以武勇稱吾蒙其餘澤荷國厚恩當輸忠王室增光前人豈可苟爲自安計耶力請代之凱還人服其義

元史

薛塔喇海

原作薛塔喇海

燕人剛勇有志歲甲戌太祖引兵至北口

塔喇海帥所部三百餘人來歸帝命佩金符爲礮水手元帥屢有功進金紫光祿大夫佩虎符爲礮水手軍民諸色人匠都元帥便宜行事從征回回河西欽察輝和爾喀喇柰曼阿勒呼木呼察都哩木薩蘭諸國俱以礮立功太宗三年睿宗

引兵自洛陽渡河塔喇海由隴右假道金商遂會師於鈞州

三峰山敗金師四年破南京及唐鄧鈞許諸州取鄆陵扶溝

四月卒子達實拉原作奪失刺襲爲都元帥南攻江淮有功歲庚

戌卒弟結桑原作軍勝襲憲宗八年從世祖攻鈞魚山苦竹崖大

林平青居山破重慶馬湖天水賜以白金鞍馬等物中統三

年李壇叛濟南又以礮破其城至元五年從圍襄陽三月卒

丞相阿珠欲以千戶劉添喜攝帥府事子四嘉努原作四年家奴

方十六請從軍自効帝壯而許之八年始襲父爵十年冬襄

樊未下四嘉努立礮攻之明年襄樊守呂文煥降繼從丞相

巴延南伐至郢州先登師旣渡江四嘉努自鄭州下沿海諸

城堡至建康十二年授武節將軍與宋將夏貴戰於峪溪口

奪其船二百餘艘取常蘇二州十三年攻鎮巢圍揚州守臣

李庭芝棄城追獲之進階懷遠將軍將兵平浙東諸郡從征

福建欒江與宋兵力戰破之獲戰艦千餘艘十六年進階鎮

國將軍鎮揚州二十二年改爲萬戶

元史

楊格濟格

原作傑只哥

燕京寶坻人家世業農格濟格少有勇略

太祖略地燕趙率族屬降附從攻遼左及從元帥額斯倫定西夏諸部有功乙丑睿宗賜以金幣命從額斯倫攻信安額斯倫知其材略命裁決軍務信安城四面阻水其帥張進數月不降格濟格曰彼恃巨浸我師進不得利退不得歸請往說之至則從容言曰今齊魯燕趙地方數千里郡邑聞風納降獨君恃此一城內無軍儲外無兵援亡可立待爲君計者不如請降可以保富貴而免死亡進默然曰姑待之凡再往乃降辛卯太名守蘇椿叛討獲之眾議屠城格濟格曰怒一

人而族萬家非招來之道也眾是其言由是滑濬等州聞風
納款壬辰師次徐州阻河不得濟格濟格探知有賊兵操舟
楫伏草澤中率勁卒數人憑河擊之悉奪舟楫眾遂得渡獲
河南諸郡降人三萬餘戶進攻徐州金將國用安拒戰格濟
格率百餘騎突入陣中迎擊於後大敗之擒一將而還皇太
弟國王駐兵河上見之賜名巴圖爾授金符命總管新附軍
民乙未太宗特賜格濟格種田民戶租賦丁酉從額斯倫攻
歸德縛草作筏渡濠抵城下梯城先登拔之由是進攻得五
州十縣四堡二寨乙亥宋兵至已登歸德城格濟格率眾戰
敗之率舟師追擊轉戰中流溺死年四十子孝先孝友孝先
愈江北淮東道肅政廉訪司事孝友鎮江路總管

元史

耶律鑄字成仲燕人

據雍正志耶律楚材傳增

廣甯王楚材子也幼聰敏

善屬文尤工騎射楚材卒嗣領中書省事時年二十三上言
宜疎禁網遂采歷代德政合於時宜者八十一章以進戊午
憲宗征蜀詔鑄領侍衛驍果以從屢出奇計攻下城邑賜以
尙方金鎖甲及內廐驄馬乙未憲宗崩額呼布格叛鑄棄妻
子挺身自朔方來歸世祖嘉其忠中統二年拜中書左丞相
詔將兵備禦北邊後徵兵扈從敗額呼布格於上都之北至
元元年加光祿大夫奏定法令三十七章吏民便之二年行
省山東未幾徵還初清廟雅樂止有登歌詔鑄製宮懸八佾
之舞四年樂舞成表上之仍請賜名大成改榮祿大夫中書
左丞相十年遷平章軍國重事十三年詔監修國史朝廷有
大事必咨訪焉十九年復拜中書左丞相二十年坐不納職
印妄奏東平人聚謀爲逆間謀幕僚及黨罪囚阿里沙遂罷

免仍沒其家貲之半徙居山後二十二年卒年六十五子十
一人希徵希勃希亮希寬希素希固希周希光希逸餘失其
名至順元年贈推忠保德宣力佐治功臣太師開府儀同三
司上柱國懿甯王諡文忠

元史

史進道字道遠永清人姿貌魁偉勇力過人凡所施爲皆有
器略不爲齷齪細行癸酉元兵南伐所向破滅進道與其兄
率千餘人迎降太師國王穆呼哩使總兵事從下山東一舉
而捷乙亥攻降北京王遣進道及要魯火赤烏也兒等進兵
攻興州趙守玉望風送款以勲進義州節度使命管領北京
句當十三年錦州帥張致叛從穆呼哩攻拔之又令招收廣
甯府兵至城下皆迎降就命留守廣甯尋復改北京留守輕
徭薄賦人樂其生尋遷北京管民長官萬戶薦張之翼代已

甲午退歸真定癸卯卒年六十有五

段紹先撰
神道碑

史天倪字和甫進道姪

據史進道
神道碑增

曾祖倫少好俠因築室發

土得金始饒於財金末中原塗炭乃建家塾招徠學者所藏
活豪士甚眾士族陷爲奴虜者輒出金贖之甲子歲大祲發
粟八萬石賑饑者士皆爭附之祖成珪倜儻有父風遭亂盜
賊四起乃悉散其家財唯存廩粟而已父秉直讀書尙氣義
癸酉太師國王穆呼哩南伐秉直率里中老稚數千人詣涿
州軍門降穆呼哩欲用秉直秉直辭而薦其子乃命秉直管
領降人家屬屯霸州拊循有方遠近聞而附者十餘萬家尋
遷之漠北降人道饑秉直得所賜牛羊悉分食之多所全活
甲戌從穆呼哩攻降北京行尙書六部事主餽餉軍中未嘗
乏絕庚寅以老謝事歸鄉里卒年七十一三子長天倪次天

安次天澤天倪始生之夕白氣貫庭成童姿貌魁傑及長好學日誦千言太安末舉進士不第乃歎曰大丈夫立身獨以文乎哉使吾遇荒鷄夜鳴擁百萬之眾功名可唾手取也穆呼哩見而奇之既以萬戶

案錢大昕元史攷異云劉黑馬傳太宗卽位始立三萬戶以黑馬爲

首重喜史天澤次之姚燧撰邱澤神道碑云國初以二萬戶鎮撫中夏右則劉伯林軍秦左則粘合重山軍燕顧成則益太尉史忠武公天澤爲真定河間濟南東平大名五路萬戶于中然則太祖之世漢軍萬戶祇有劉伯林粘合重山二人據此傳似史天倪在太祖時已有萬戶之名嘗見史秉直神道碑及史氏慶源碑皆立於太宗朝具稱天倪但云河北西路兵馬都元帥是天倪未嘗授萬戶可以證此傳之誤

統諸降卒從穆呼哩略地三關

已南至於東海所過城邑皆下因進言於穆呼哩曰金棄燕遷汴遼水東西諸郡金之腹心也我若得大甯以扼其喉襟則金雖有遼陽終不能保矣穆呼哩善之先倫卒時河朔諸郡結清樂四十餘社近千人歲時像倫而祠之至是天倪選

其壯勇萬人爲義兵號清樂軍以從兄天祥爲先鋒所向無敵分略三河薊州諸砦望風款服甲戌朝太祖於燕陳奇謀授馬步軍都統管領二十四萬戶從穆呼哩攻高州又從攻北京皆不戰而克乙亥授右副都元帥奉詔南征圍平州進兵真定真定帥武仙固守不下遂移兵圍大名破其城丙子會穆呼哩兵於燕南青州監軍王守約平州推官哈達俱以城叛謀越海歸金天倪追襲至樂安敗之殺守約擒益都行省蒙古斬首萬級丁丑徇山東諸郡部卒有殺民豕者立斬以徇軍中肅然遠近響應知中山李明趙州李瑀邢州武貴威州武振磁州李平洺州張立等望風皆下己卯從穆呼哩徇河東至絳州其圍樓砦以石牢不可破天倪命穴其旁地虛樓陷遂拔之穆呼哩喜賞以繡衣金鞍名馬庚辰還軍真

定武仙降穆呼哩承制以天倪爲金紫光祿大夫河北西路兵馬都元帥行府事仙副之天倪乃言於穆呼哩下令有剽虜者以軍法從事辛巳降懷潞澤三州壬午攻濟南水砦破之癸未徇山西遂破克三關不浹旬定四十餘砦兵至河衛喜曰河衛者夷門之限也河衛旣破則夷門不能守矣嚴實以兵來會請自攻河衛天倪曰哈達布哈亦勍敵也實曰易與耳明日實與布哈兵戰竟爲所執天倪曰哈達以實歸汴必在今夕急命馮存杜必貴率壯士一千三百伏延津柳渡果夜縛實過延津遇存等與戰敗之實得脫歸必貴戰死未幾帝命天倪回軍真定甲申夏大名總管彭義斌以宋兵犯河朔天倪逆戰於恩州義斌敗入保大名乙酉師還聞武仙之黨據西山腰水鐵壁二砦以叛天倪擣其巢穴掩殺之仙

怒謀作亂乃設宴邀天倪天倪往爲仙所殺

案續通志云金史武仙傳載仙

與史天倪積不相能嘗欲南走宣宗招之仙得牒大喜乃賊殺史天倪以真定降

天倪之赴真定也

秉直密戒之曰觀武仙之辭氣終不爲我用宜備之天倪曰

我以赤心待人人或相負天必不容願無慮秉直乃攜其孫

楫權還北京至是人服其先識先是天倪擊鞠夜歸有大星

隕馬前有聲心惡之果及禍天倪死時年三十九妻程氏聞

亂恐污於賊乃自殺子五人其三人尙幼俱死於難惟楫權

在楫字大濟歲乙亥知中山府事尋遷征南行軍萬戶翼經

略徇地斬黃善撫士卒所向有功壬寅天澤引楫入見太宗

乞解職授之帝以楫爲兵馬都總管佩金虎符辛亥朝廷始

徵包銀楫請以銀與物折仍減其元數詔從之著爲令各道

以楮幣相貿易不得出境二三歲輒一易鈔本日耗商旅不

通楫請立銀鈔相權法人以爲便或請運鹽按籍計口給民以食楫爭其不可議遂寢元氏民有愬府僚於達官者質之無實將抵之死楫力爲營解達官曰是人陷汝輩死地而反掾之何耶楫曰誅之固足以懲後未若宥之以愧其心況人命至重豈宜以妄言之故而加以極刑乃杖而遣之中統元年授真定路總管同判本道宣撫司事真定表山帶河連屬三十餘城生殺進退咸倚專決楫謹身率衆明政化信賞罰任賢良汰貪墨恤勞獨民咸德之所舉州縣佐史有文學者三十餘人後皆知名會天澤言兵民之柄不可併居一門行之請自臣家始楫卽日解綬歸卒年五十九子炫常德管軍總管輝知孟州燧同知東昌府事煊潼關提舉煬簽廣西按察司事權字伯衡勇而有謀初以權萬戶從天澤南征歲壬

子天澤以萬戶改河南經略使乃以權代其任甲寅屯軍鄧州敗宋將高達於樊城己未世祖將兵伐宋權出迎於淮西渡江次鄂州憲宗崩世祖北還命權總兵鎮武磯山中統元年授真定河間濱棣邢洺衛輝等州路并摩哩紇軍兼屯田州城民戶沿邊鎮守諸軍總管萬戶至元六年詔問征南之策對曰襄陽乃江陵之藩蔽樊城乃襄陽之外郭我軍若先攻樊城則襄陽不戰自降然後駐兵嘉定耀武淮泗事必有濟帝善其計七年宋兵侵兵權引兵趨荆子口大破之帝賜白金五百兩權悉以分勞士卒宋將夏貴以船萬艘載壯士欲奪江權進攻破之帝賜以衣幣弓矢鞍勒旣而轉糧於隨貴復引兵扼我前又破之賜白金七百兩制授河南等處宣撫使未上賜金虎符充江漢太都督

案元史攷證云世祖本紀史權於中統三年已

爲漢大都督命將兵赴燕此並總制軍馬總管屯田萬戶會
言七年始充是職彼此互異

天澤言一門不可兼掌兵民之柄乃授權鎮國上將軍真定

等路總管兼府尹徙東平又徙河間卒

元史

諡武穆子耀官至

大司農諡義襄

錢大昕元史攷異

天安字全甫秉直仲子也歲癸酉

從秉直降太師穆呼哩以其兄天倪爲萬戶而質天安軍中

丁丑從討錦州叛人張致平之已卯從略地關右生擒鄜州

驍將張資祿乙酉武仙殺天倪於真定天安率衆來會天澤

併力攻仙敗走之以功授行北京元帥府事撫治真定庚寅

宋聚兵爲仙援遣其徒趙和行間城中誣倖副李甲劉清嘗

輸款爲內應守將械兩人送府大帥趣命戮之天安揣知其

詐請自鞫之果得其情遂斬和以徇壬辰從伐金師還討劇

盜梁滿蘇傑等悉平之甲午權真定等路萬戶賜金符丙午